

文苑英華卷第一百九十一

詩四十二

朝省二

寓直五十八首

奉和姚給事中寓直之作

宋之問



清論滿朝陽高才拜夕郎還從避馬路來接珥貂行寵就

黃扉日威迴白簡霜栢臺遷鳥茂

一作蘭渚署

得人芳

禁靜鍾初徹更踈漏漸長曉河低武庫流火度文昌寓直

光輝重

集作寓宿恩徽重

乘秋藻翰揚暗投空欲報下調不成章

和庫部李員外秋夜寓直之作 前人

相庭貽慶遠才子拜郎初起草儀仙閣焚香卧直廬更深

河欲斷節勁柳

疑

偏踈氣耿凌雲筆心搃待漏車叨榮厠

儔侶省已而空虛徒斐陽春和難參麗曲餘 循已集作省已

冬夜寓直麟閣集作

前人

直事披三省重關祕七門廣庭憐雪淨集作深屋集作喜

爐温月幌花一作虛馥風窻竹暗喧東山白雲意茲夕寄

琴樽集作三省集作

和蘇員外寓直

崔湜前卷作

此詩已見一百九十卷

秋夜寓直中書呈黃門舅

蘇頲

簾櫳上夜鈎清切聽更籌忽共鷄枝老還如騎省秋循庭
喜三入對渚憶雙遊紫紱名初拜黃縑迹尚留月舒當北
幌雲賦直東樓恩渥迷天施童蒙慰我求遲君台鼎即開

義一承流

春晚紫微省直贈內

前人

直省清華接建章向來無事日猶長花間燕子栖鳩鵲竹
下鴛鴦繞鳳凰內史通宵承紫誥中人落晚集作愛紅粧
別離不慣無窮憶莫悞卿卿學太常

和崔黃門寓直夜聽蟬之作

張九齡

蟬嘶玉樹枝向夕蕙風吹幸入連雲閣集作應緣飲露知

秋深聞集作欲近聲靜夜相宜不是黃金飾清音徒爾

為

和許給事直夜簡諸公

前人

未央鍾漏晚僊宇藹沉沉武衛千廬合嚴扃萬戶深左掖

知天近南軒集作見月臨樹搖金掌露庭接玉樓陰他日
聞更直中宵屬所欽聲華大國珣夙夜近臣心逸興乘高
閣雄飛在禁林寧思竊抃者情發為知音

酬通事王舍人寓直見示篇中兼起居陸舍人

景獻

前人見集

軒掖殊清秘才華固在斯興因膏澤灑情與惠風吹所美
應人譽何私亦我儀同聲感喬木比翼謝長離價以陸生
減賢慙鮑叔知薄遊當獨媿芳訊乃兼施此夜金閨籍伊
人瓊樹枝飛鳴復何遠相顧幸媿媿

臺中書懷

蔣冽

持憲當休明飾躬免顛沛直繩備豪右正色清冠蓋寄切
才恨薄職雄班匪大坐居三獨中立在百僚外簡牘時休
暇依然秋興多披書唯骨鯁循跡少閑和庭樹凌霜栢池
傾萎露荷歲寒應可見感此遂成歌

夏中

疑

初霽南省寓直

時兼尚書郎
庫秋履溫
節度判官

薄宦因時忝涼霄寓直初沉沉仙閣閉的的暗更徐霽色
連空上炎氛入夜除星廻南斗落月度北窓虛待漏殘燈
照含芳襲氣餘寐來冠不解奏罷草仍書幕府慙良策明
曹媿散樗命輕徒有報義重更難踈驚夏欣成托鶴行濫
所如晨趨當及早復此戒朝車

同張少府知庫和庫秋員外夏晚初霽南省寓直時兼

充節度判官之作

寇坦

黃綬歸休日仙即復奏餘宴居當夏晚寓直會晴初露散
星文發雲披水鏡虛高才推獨唱嘉會喜連茹月色搃春
闈香煙藹暝廬一作千門傳夜警萬象照階除少孺嘉能
賦文強閱賜書兼曹謀未展入幕志方懋為奉靈臺帛恭
先待漏車貞標不可仰空此樂樵漁

和集作

崔員外秋宵寓直

王維

建禮高秋夜承明候曉過九門寒漏徹萬井曙鍾多月迴
藏珠斗雲開集作出絳河更慙衰朽質南陌共鳴珂

晚出左掖

杜甫

晝刻傳呼淺春旗簇仗齊退朝花底散歸院柳邊迷樓雪
融城濕宮雲去殿低避人焚諫草騎馬欲鷄栖

春夜宿左省

前人

花隱掖垣暮啾啾棲鳥過星臨萬戶動月傍九霄多不寐
集作聽金鑰集作因風想玉珂明朝有封事數問夜如何

翰林讀書言懷呈集賢院內諸學士 李白

晨趨紫禁中夕待金門詔觀書散遺帙探古窮至妙片言
苟會心掩卷而忽集作忽而笑青蠅易相點白雪難同調本是
疎散人屢貽褊促誚雲天屬清明林壑憶遊眺或時清風
來閑倚門集作下肅嚴光桐廬溪謝客臨海嶠功成謝人

間集作

從此亦集作

投釣

和戶部楊員外伯成寓直

李愷

落日彌綸地公才盡省即詞驚起草筆坐卧護衣香雙闕

天河近千門夕漏長遙知臺上宿不獨有文強

奉和許給事夜直簡諸公

崔顥

西掖黃樞近東曹紫禁連地因才子拜人用省郎遷夜直
千門靜河開萬像懸建章宵漏急閭闔曉鍾傳寵列貂蟬
位恩深侍從年九重初起草五夜即成編顧已無官次循
涯但自憐遠陪蘭渚作空此仰神仙

西省即事

岑參

西掖重雲開邑曙集作開曙輝北山疎雨點朝衣千門柳色連
青鎖三殿花香入紫微平明端笏陪駕列薄暮垂鞭信馬
歸官拙自悲頭白盡不如巖下掩集作石偃荆扉

和都官苗員外夜寓直對西簡諸知己 李嘉祐

多雨深一作南宮夜仙郎上一作寓直時漏長丹鳳闕秋冷白

雲司螢影侵階亂鴻聲出苑遲蕭條吏人散一作靜小謝有

新詩

此詩三百四十三卷重出今已削去注異同為一作

和苗員外寓直中書

包何

朝列稱多士君家有二難貞為臺裏栢芳作省中蘭夜直
分曹間晨趨接武歡每憐雙闕下鴈序入鴛鸞

春宵寓直

錢起

養拙集作性慣雲卧為即如鳥棲不知仙閣峻唯覺玉繩低
帳喜香煙煖詩慙賜筆題未央春漏促殘夢訝集作謝晨鷄

和謝舍人雪夜寓直

皇甫曾

禁省夜沉沉春風雪滿林滄洲歸客夢青瑣近臣心揮翰
宣鳴玉承恩在賜金建章寒漏起更助掖垣深集作章臺
寒鴈起更

晚秋集賢院即事寄徐薛二侍郎 常衮

穆穆上清居沉沉中秘書金鋪深內殿石甃淨寒渠花樹
臺斜倚空煙閣半虛縹囊披錦翠繡軸卷瓊瑤墨潤冰文
蟹香銷嘉字魚翻黃桐葉老吐白桂花初舊德雙遊處聯
芳十載餘北朝榮庾薛西漢盛嚴徐侍講親華辰微吟一作
詩步綺疎綴簾金翡翠賜硯玉蟾蜍序秩東南遠離憂歲
月餘承明期重入江海意何如

奉和常舍人晚秋集賢院即事寄徐薛二侍郎

司空曙

藹藹鳳凰宮蘭臺玉曙通夜霜凝樹羽朝集作曉日照相風

官附三台貴儒開百氏宗司言陳禹命集作拜侍講發堯聰

香卷集作起青編內鉛分綠字中綴籤從太史鏘珮揖群公

池接天泉碧林交御果紅寒龜登故葉集作秋蝶恋疎藂

顏謝徵文並鍾裴直一作議事同離群驚海鶴屬思怨集作想

江楓地遠枯蘇外山長越絕東慙當哲匠後下曲本難工

和常舍人晚秋集賢院即事十二韻寄贈江南

徐薛二侍郎 盧綸

綸閣九華前森沉綵仗連洞門開旭日清禁肅秋天霜滿
朝容備鍾餘曉集作漏唱傳瑤璫陪羽扇端弁入爐烟麟筆

刪金篆龍綃薦玉編。汲書荀勗定。漢史蔡邕傳。御竹潛通
筍宮池。暗瀉泉。亂藜紫弱蕙。墜葉灑枯蓮。列署齊遊日。重
江並謫年。登封思議草。侍講憶同筵。滄海風濤廣。黝山瘴
雨偏。唯應絨上寶。贈遠一呈妍。

奉和太常王卿詠李舍人中書寓直春夜對月見

寄

前人

露如輕雨月如霜。不見星河見鴈行。虛暈入池波自泛。蒲
輪當苑桂偏香。春臺幾望黃龍闕。雲露寧分白玉廊。是夜
巴歌應金石。豈殊螢影對清光。

和王員外冬夜寓直

前人

高步長裾錦帳郎。居然自是漢賢良。潘岳叙年因鬢髮。楊
雄托諫在文章。九天韶樂飄寒月。萬戶香塵裊夜霜。坐見
重門儼朝騎。可憐雲路好翱翔。

詠金部王郎中省中春日

前人

南宮樹色曉森森。雖有春光未有陰。鶴侶正宜芳景引。玉
人那為簿書沉。山含瑞氣偏當日。鸞逐輕風不在林。更有
阮郎迷路處。萬株紅樹一谿深。

夜直省中

常應物 見集本

河漢有秋氣 集作意 南宮生早涼。玉漏殊杳杳。雲闕更蒼蒼。
華燈發新照 集作燄 輕烟浮夕香。顧跡知為忝。束帶愧周行。

奉和給事寓直

崔峒

桂枝家共折。鷄樹代相傳。忝向鸞臺下。仍看鴈影連。夜閑

方步月漏盡欲朝天知去卅墀近明王許薦賢

初入集賢院贈李獻仁魯於常山縣官 前人

燕代官初罷江湖路便分九遷從命薄四十幸人聞跡愧

趨丹禁身曾繫白雲何由返滄海昨日謁明君

奉酬李舍人秋日寓直見寄 張南史

秋日金華直遙知玉珮清九重門更肅五色詔初成槐落

宮中影鴻高芳遠一作聲翻從魏闕下江海寄幽情

同韓侍郎秋朝使院 前人

重門啓曙闕一葉報秋還露井桐柯濕風庭鶴翅閑忘情

簪白筆假夢入深山惆悵祇應此難裁語默間

暮春南臺承再除給事中仍是本廳几榻許存誠

并入青瑣闈忝官誠自非拂塵驚物在開戶待僧歸積草

漸無逕殘花猶灑衣禁闈偏日近行坐在恩輝

初秋月夜中書宿直因呈楊閣老 權德輿見集本

歌枕直廬暇風蟬迎早秋沉沉玉堂夕皎皎金波流對掌

喜新命分曹諧舊遊相思翫華彩因感庾公樓

晚秋陪崔閣老張祕監閣老苗考功同遊昊天觀

時楊閣老新直未滿以詩見寄斐然酬和有媿無

音 前人見集本

方駕遊何許仙源去似歸縈迴晉勝賞蕭灑出塵機泛菊

賢人至燒卅姪女飛步虛清曉籟隱几吸晨輝竹逕琅玕

合芝田沆瀣晞銀鈎三洞宇瑤笥六銖衣麗句翻紅藥佳

期限紫微徒然一相望郢曲和應稀

和胡將軍寓直

王建見集本

宮鷓棲盡禁搶攢樓殿深嚴月色寒進狀直穿金戟槊探
更先傍玉鈎欄漏傳五點班初合鼓動三聲仗已端遙見
正南宣不坐新栽松樹喚人看

省中直夜對雪寄李師素侍郎 令狐楚

密雪紛初降重城杳未開雜花飛爛熳連蝶舞徘徊灑散
千株葉銷凝九陌埃素華凝粉署清氣繞霜臺明覺侵窓
積寒知度塞來謝家爭擬絮越嶺悞驚梅暗魄微茫照嚴
飈次第催一作稍封黃竹亞先集紫蘭摧孫室臨書幌梁
園泛酒盃靜懷瓊樹倚醉憶玉山頽翠陌饑鳥噪蒼雲遠

鴈哀此時方夜直想望意悠哉

南宮夜直宿見李給事題其日所下制勅知奏直

在東省因以詩寄

前人

番直同遙夜嚴扃限幾重青編書白雀

其日勅鄜州奏黃白雀宜付史館

紙降蒼龍北極絲綸句東垣翰墨蹤尚垂玄露點猶濕紫
泥封炫眼疑仙燭馳心裊禁鍾定應形夢寐暫似接音容
玉樹春枝動金罇臘醲在朝君最舊休澣許過從

早秋集賢院即事

時為學士

劉禹錫

金數已三伏火星正西流樹含清露曉閣倚碧天秋灰瑤
應新律銅壺添夜籌商飈從朔塞爽氣入神州蕙草香書
殿槐花點御樓集作山明真色見水淨濁煙收早歲忝華

省丹來成白頭幸依群玉府有略向瀛洲

奉和武中丞秋日臺中寄懷簡諸僚故時西番使廻奉命追

和

呂溫

聖朝思紀律憲府得忠賢指顧風行地儀行月麗天不仁

恒自遠為政復何先虛室惟生白閑門集作却草玄迎霜

紅葉早過雨綠集作碧苔鮮魚樂翻秋水鳥聲隔暮煙舊遊

多絕席感物遂成篇更許窮荒客追歌白雪前

待漏入閣書事奉贈元九學士閣老 白居易

衙排宣政仗門啓紫宸開彩筆停書几几作命花塲趨立班

稀星點銀礫殘月墮金環集作環暗漏猶傳水明河漸下山

從東分地色政集作向北仰天顏碧湧鑪煙直紅垂旆尾闕

綸帛集作慙並入翰苑忝先攀笑我青袍故饒君紫集作詩

綬殷詩仙歸洞裡酒病滯人間好去鴛鸞侶冲天便不還

夏夜直宿

前人見集本

人少庭宇曠夜涼風露清槐花滿院氣松子落階聲寂默

挑燈坐沉吟暝月行年衰自無趣不是厭承明

中書直堂

前人

繚繞宮牆圍禁苑集作林半開閭闔曉沉沉天晴更覺南山

近月出方知西掖深病對詞頭慙綵筆老看鏡面愧華簪

自嫌野物將何用土木形骸麋鹿心

見于給事暇日上直寄南省諸郎官詩因以戲贈

倚作天仙弄地仙誇張一日抵千年黃麻勅勝長生錄白

紵詞嫵內景篇雪貌莫一作雲彩誤居青瑣地風流合在
紫微天東曹漸去西垣近鶴駕無妨更着鞭

此詩二百五十八卷重出今已削去注異同為一作

西掖早秋直夜書意

前人

涼風起禁掖新月生宮沼夜半秋暗來萬年枝嫋嫋炎涼
逝時節鍾鼓交昏曉偶聖惜年衰報息愁力少素餐無補
益朱紱集作虛纏繞冠蓋栖野雲稻梁養山鳥集作量能內
私自省所得已非少五品不為賤五十不為夭若無知足
心貪求何日了

憶夜直金鑾奉詔

李紳

月當銀漢玉繩低深聽簫韶碧落齊門闕紫垣高綺樹閣
連青瑣近冊梯墨宣外溼催飛詔草定新恩促換題明日
一作惟我獨歸花路遠可憐人世隔雲霓

奉和朝翰林丁侍郎禁署早春晴望 劉得仁

御林聞有早鶯聲玉檻春香九陌晴寒着霽雲歸紫閣暖
浮佳氣動皇城宮池日到冰初解輦路風吹草欲生鴛侶
此時皆賦詠商山雪在思尤清

休澣日謁西掖所知因成長句

溫廷筠見集本

赤墀高閣自從容玉女窻扉報曙鍾日麗九華青瑣闥雨
晴雙闕翠微峯毫端蕙露滋仙草琴上薰風入禁松荀令
鳳池春婉婉好將餘潤變魚龍

冬夕和范秘書省宿

李頻

每入得閑吟清曹閣下深因知遙夜坐別有遠山心
書中氣松疎雪上陰幾時高興足還復插朝簪

和范秘書省中作

喻坦之

清省宜寒夜仙才稱獨吟
鍾來宮轉漏月過閣移陰
鶴壁燈前靜芸臺幄外深
想知因此興暫動憶山心

南宮寓直

鄭谷

寓直事非輕官孤憂且榮
制承黃紙重詞見紫垣清
曉霽庭松色風和禁漏聲

曾一作携新茗伴更對集作吏掃落花

迎鑠印詩心動垂簾睡思生
粉廊曾試處直事稍暇則於

項年試所題名石柱昔賢名來誤
宮牕鸞啼疑苑樹鶯殘

陽晴集作更好歸速限嚴城

春日集作夕

伴同年禮部趙員外省直集作直省前人

錦帳名郎重錦窠清宵寓直縱吟哦
冰含玉鏡春寒在粉

傳仙闈月色多視草即應歸屬望
握蘭知道暫經過流鶯

百轉和殘漏猶把芳罇籍露荷

文昌寓直

前人

何遜空階夜雨平朝來交直雨新晴
落花亂上花磚上不

忍和苔踏紫莢

忝官諫垣明日轉對

前人見集本

吾君英睿相君賢其柰寰區未晏然
明日翠華春殿下不

知何語可聞天

秘書伴直

張喬

鈔本列南宮寫直
汝乃鄭名詩

高枝聚暝禽，豐閣鏤遙岑。待月當秋直，看書廢夜吟。殘薪留火細，古井汲瓶深。縱欲抄前史，一作古貧難遂此心。

省中偶作

前人

三轉郎曹自集作勉旃，莎階吟步想前賢。不集作如何遜

無佳句若比馮唐，是壯年捧制名題黃紙尾。約僧心在白雲邊，乳毛松雪春來好。直夜清閑且學禪。

四月十六夜客散校此改定七十三字今日橫風猛雨兼降

冰雹初夏所罕見也

文苑英華卷第一百九十一

文苑英華卷第一百九十二

詩四十二

樂府一

樂府共六十卷以藝文聚初學記文粹諸人文集并郭茂倩劉次莊樂府叅校注下同者為一作

京洛篇二首

帝王所居篇一首

帝京篇十一首

煌煌京洛篇二首

新城安樂宮三首

凌雲臺二首

長安道十六首

洛陽道十七首

京洛篇

梁簡文帝

南遊偃師縣，斜上灞凌東。迴瞻龍首堞，遙望德陽宮。重門

遠照曜，天閣復穹窿。城旁疑複道，樹裏識松風。黃河入洛

水，丹泉繞謝熊。夜輪懸素魄，朝天一一作光蕩碧。空秋霜曉驅

鴈，春雨暮成虹。咸一作曲陽一作曲戚一作曲王一作曲根也。造甲第，高安還禁

中劉蒼歸作相竇憲出臨戎此時車馬合茲晨冠蓋通誰
知兩京盛歡宴遂無窮

同前

李巨仁

京洛類神仙藹藹却雲烟漸臺臨太液玉樹並甘泉車喧
平樂外騎擁濯龍前競結蕭朱綬爭攀李郭船獨悲韓長
孺死灰猶未燃

帝王所居篇

張正見

嶠函惟帝宅宛維壯皇居紫微臨複道丹水亘通渠沉沉
飛兩殿藹藹承明廬兩宮分槩日雙闕並凌虛休氣充青
瑣榮光入綺疎霞明仁壽鏡日照凌雲書鳴鸞背鵠鵲詔
蹕幸儲胥長楊飛玉輦御宿陟金輿柳葉緹飄騎槐花影
屬車薄暮歸平樂歌鍾滿玉除

帝京篇十首並作本

唐太宗

秦川雄帝宅函谷壯皇居綺殿千尋起離宮百雉餘連甍
遙接漢飛觀迥凌虛雪日日月隱層闕風煙出綺疏

二

巖廊罷機務崇文聊駐輦玉匣啓龍圖金繩披鳥一作鳳篆
常編斷方續縹帙舒還卷對此乃忘憂一作淹留歌枕觀墳典

三

移步出詞林停輿欣武宴瑀弓寫明月駿馬疑流電驚鴈
落虛弦啼猿悲急箭閱賞誠多美於茲乃忘倦

四

鳴笳臨樂館。眺聽歡芳節。急管韻朱絃。清歌凝白雪。彩鳳
肅來儀。玄鶴紛成列。去茲鄭衛聲。雅音方可悅。

五

芳辰開一作逸趣禁苑。信多奇槁形。通漢上峯勢。接雲危
煙霞交隱映。花鳥自參差。何如肆轍跡。萬里賞瑤池。

六

飛蓋去芳園。蘭橈遊翠渚。梁一作萍間日影亂。荷處香風舉。
桂楫滿中川。絃歌振長嶼。豈獨汾河曲。方為歡宴所。

七

落日一作日落雙闕昏。迴輿九重暮。長烟引一作散初碧。皎月澄
輕素。褰幌翫琴書。開軒引雲霧。斜漢耿層閣。清風搖玉樹。

八

歡樂難再逢。芳晨真一作良可惜。玉酒泛一作溢雲壘。蘭肴陳
綺席。千鍾合堯禹。百獸諧金石。得志重寸陰。忘懷輕尺璧。

九

建章歡賞夕。二八盡妖妍。羅綺昭陽殿。芬芳瑋瑋珮。移
星正動扇。掩月初圓無。勞上玄圃。即此對神仙。

十

以茲遊觀極。悠然獨長想。披卷覽前蹤。撫躬尋既往。望古
茅茨約。瞻今蘭殿廣。人道惡高危。虛心誠盈蕩。奉天竭誠
敬。臨民思惠養。納善察忠諫。明科慎刑賞。五六誠難繼。四
三非易仰。廣待淳化敷。方嗣雲亭響。

同前

駱賓王

山河千里國城闕九重門不睹皇居壯安知天子尊皇居
 帝里嶠函谷鶉野龍山侯甸服五緯連影集星躔八水分
 流橫地軸秦塞重關一百二漢家離宮三十六桂殿陰岑
 對玉樓椒房窈窕連金屋三條九陌鳳一作麗城隈萬戶千
 門平旦開複道斜通鳩鵲觀交衢直指鳳凰臺劍履南宮
 入簪纓北闕來聲明冠寰宇文物象昭回鈎陳肅蘭祀壁
 沼浮槐市銅羽應風迴金莖承露起校文天祿閣習戟昆
 明水朱邱接一作抗平臺黃扉通戚里平臺戚里帶崇墉炊
 金饌玉待鳴鍾小堂綺帳三千萬大道青樓十二重
 寶蓋雕鞍金絡馬蘭窓繡柱玉盤龍繡一作綺柱璇題粉

壁鏘金鳴玉王侯盛王侯貴人多近臣朝遊北里暮南隣
 陸賈分金將燕喜陳遵投轄正留賓趙李經過密蕭朱交
 結親丹鳳朱城白日暮青牛緝憶紅塵度俠客珠彈垂楊
 道倡婦銀鈎採桑路倡家桃李自芬一作芳菲京華遊俠事
一作盛輕肥延年女弟雙鳳入羅敷使君千騎歸同心結縷
 帶連理織成衣春朝桂樽樽百味秋夜蘭燈燈九微翠幌
 珠簾不獨映清歌寶瑟自相依且論三萬六千是寧知四
 十九年非古來名一作榮利若浮雲人生倚仗信離一作難分
 始見田竇相移代我聞衛霍有功勳未厭金陵氣先開石
 槨文朱門無復張公子灞亭誰畏李將軍相顧百齡皆有
 待君然萬物咸應改桂枝芳氣已銷亡栢梁高宴今何在

一作處

春去春來若自馳爭名爭利徒爾為久留郎署終難遇空
掃相門誰見知當時一作莫矜一旦擅豪華自古千載長驕奢
倏忽搏風生羽翼須臾失浪委泥沙黃雀徒巢桂青門遂
種瓜黃金銷鑠素絲變一貴一賤交情見紅顏宿昔白頭
新脫粟布衣輕故人故人有湮淪新知無意氣灰死韓安
國羅傷翟廷尉已矣哉歸去來馬卿辭蜀多文藻楊雄仕
漢乏良媒三冬自矜成足用十年不調幾遭迴汲黯薪逾
積孫弘閣未開誰惜長沙傅一作賦獨負洛陽才

煌煌京洛行

張正見

千門儼西漢萬戶擅東京凌雲霞上起鳩鵲月中生風塵
暮不息簫管夜恒鳴唯一作誰當賣藥樹不入長安城

同前

戴嵩

欲知佳麗地為君陳帝京由來稱俠窟爭利復爭名鑄銅
門外馬刻石水中鯨黑龍過飲渭丹鳳俯臨城群公邀一作
惡郭解天子問黃瓊詔幸平陽第騎指伏波營五侯同拜
爵七貴各垂纓衣風飄颻起車塵暗浪生舞見淮南法歌
聞齊后聲揮金留客坐饌玉待鍾鳴獨有文園客一作令偏
嗟武騎輕

新城安樂宮

梁簡文帝

遙看雲霧裏一作中刻一作列列一作桶映丹虹珠簾通曉日金華拂
夜風欲知歌管處來過安樂宮

同前

陳陰鏗

新宮實壯哉雲裏望樓臺迢遞翔鷗仰聯一作翩賀鷲一作

雀來重簷寒露一作宿返景一作夏蓮開砌石披新

錦花梁畫早梅欲知安樂盛歌管雜塵埃

同前

陳子良

春色照蘭宮秦女旦窓中柳葉來眉上桃花落臉紅拂塵

開扇匣卷帳却薰籠衫薄偏憎日裙輕更畏風

凌雲臺

謝舉

綺薨懸柱棟隱映傍一作月旁一作槁柯勢高凌玉井臨迥度

金波易覺涼風至早飛秋葉一作過高臺相思曲望遠騷

人歌幸矚一作此迢遞知承寒露多一作雲霧多

同前

王褒

高臺懸百尺中夏殊未窮北臨酸棗寺西眺明光宮城旁

抵雙府林裏對相風書題鹿盧榜觀寫飛廉銅窓開神女

電梁映美人虹虞捐濫失寵鄭督特懷忠莊生垂翠鈞昭

儀拒一作聞熊馳輪有盈闕人道亦汗隆還念西陵舞非

復鄴城中

長安道

梁簡文帝

神臯開隴右陸海實西秦推輪抵赤縣一作金槌一作長樂

宜春落花依度幘垂柳拂行人金張與一作許史夜夜尚

留賓

同前

梁元帝

西接長楸道南望小平津飛薨臨綺翼輕軒影畫輪雕鞍

承赭汗槐路起紅塵燕姬雜趙女淹留重上春

同前

庾肩吾

桂宮延複道黃山開廣路遠聽平陵鍾遙識新豐樹合殿
生光彩離宮起煙霧日落歌吹還塵飛車馬度

同前

蕭賁

前登灞陵岸還瞻渭水流城形類北斗橋勢似牽牛飛軒
駕良駟寶劍雜輕裘經過狹斜里一作日暮興又作直淹

流

同前

徐陵

輦道乘雙闕豪雄被五都橫橋象天漢法駕應坤圖韓康
賣良藥董偃鬻明珠喧喧擁車騎非但執金吾

同前

陳曠

長安開繡陌三條向綺門張敞車單馬韓嫣乘副軒寵深
來借殿功多競買園將軍夜夜返絃歌着曙喧

同前

顧野王

鳳樓臨廣路仙掌入煙霞章臺京兆馬逸陌富平車東門
疏廣餞北闕董賢家渭橋縱觀罷安能訪狹斜

同前

阮卓

長安馳道上鍾鼓一作宮寺開殘雲銷鳳闕宿霧斂章臺
騎轉金吾度車鳴丞相來諳諳東都晚群公駟御迴

同前

江惣

翠蓋乘輕霧一作金羈照落暉五侯新拜罷七貴早朝歸

轟轟紫陌上，藹藹紅塵飛。日暮延年一作平客，風花拂舞衣。

同前

沈佺期

秦地平如掌，層城入一作出雲漢。樓閣九衢春，車馬千門旦。

綠槐開復合，紅塵聚還散。日晚鬪鷄還一作迴，經過狹斜看。

同前

崔顥

長安甲第高入雲，誰家居住霍將軍。日晚朝迴擁賓從，路旁拜揖何紛紛。莫言炙手手可熱，須臾火盡灰亦滅。莫言貧賤即可欺，人生富貴自有時。一朝天子賜顏色，世上悠悠應始知。

悠應始知

同前

皇甫冉

長安九城路，戚里五豪家。結束趨平樂，聯翩抵狹斜。高樓臨積水，複道出繁花。唯有相如宅，蓬門度歲華。

同前

同前

常應物

漢家宮殿含雲烟，兩宮十里相連一作聯。延晨霞出沒弄丹

闕，春雨霏微似甘泉。一作春雨依微自甘泉甘泉一作春雨依微春尚早

長安貴遊愛芳草，寶馬橫來下建章。香車却轉避馳道，貴

遊誰最貴。衛霍世難比，何能蒙主恩。幸遇邊塵起，歸來甲

第拱皇居。朱門峩峩臨九衢，中有流蘇合歡之寶帳。一百

二十鳳凰羅，列街明珠下有金一作錦。鋪翠被之燦爛，博山

吐香五雲散。麗人綺閣情飄飄，頭上鴛釵雙翠翹。低鬟曳

袖迴春雪，聚黛一聲愁。碧霄山，琼海錯棄藩籬烹犢炮。羔

如折葵，既請列侯封。部曲還將金印授，廬兒歡榮若此何。

一集作
舍

文苑英華

余明

所苦所一作苦白日西南馳

此詩三百四十二卷重出今已削去注異同為一作

同前

白居易

花枝缺處青樓開艷歌一曲酒一盃美人勸我急行樂自

古朱顏不再來君不見外州客長安道一迴來一迴老

同前

此去應集作此路去

薛能

汲汲復營營東西連兩京關繻古若在山岳累應成各自

有身事不相知姓名交馳兼一作喧衆類分散入重城此去

應無盡萬方人旋一作始生空餘片言苦來往覓劉禎

同前

王貞白

曉鼓人已行暮鼓人未息梯航萬國來爭先貢金帛不問

賢與愚但論官與職如何貧書生只獻安邊策

洛陽道

梁簡文帝

洛陽佳麗所大道滿春光遊童初一作時挾彈蠶妾始提筐

金鞍照一作被龍馬羅袖一作袂拂春桑玉車爭晚入潘果溢

高廂

同前

庾肩吾

微道臨河曲層城傍漢川金門總出柳銅井半含泉日

起不魚外車迴雙闕前潘生時未返遙心從眷然

同前

岑敬之

喧喧洛川一作水濱鬱鬱小平津路傍桃李節陌上採桑春

聚車看衛玠連手望安仁復有能留客莫愁嬌態新

同前

張正見

層城啓旦扉上洛滿春輝柳影綠溝合槐花夾路飛蘇合
彈珠罷黃間負翳歸紅塵暮不息相看連騎稀

同前

陳瑄

洛陽九逵上一作衢上羅綺四時春路傍避驄馬車中看玉人

鎮西歌豔曲臨淄逢麗神欲知雙璧價潘夏正連茵

同前

車毅

洛陽道八達洛陽城九重重關如隱起雙闕似芙蓉王孫
重行樂公子好遊從別有傾人處佳麗夜相逢

同前二首

徐陵

綠柳三春暗紅塵百戲多東門向金馬南陌接銅駝

鸞葆吹飛蓋響鳴珂潘郎車欲滿無奈擲如河

二

洛陽馳道上春日起塵埃濯龍望如水一作霧河橋渡似雷

聞珂知馬蹀傍幔見薨開相看不待語密意眼中來

同前

王瑳

洛陽夜漏盡九重平旦開日照蒼龍闕煙遶鳳凰臺浮雲
翻似蓋流水到成雷曹王鬪鷄返潘仁載果來

同前二首

江惣

德陽穿洛水伊闕邈河橋仙舟李膺棹小馬王戎鑣杏堂
歌吹合槐路風塵饒綠珠銜淚舞孫秀強相邀

二

憶一作

小平臨四達一作路長楸聽五鍾玉節迎司隸錦車歸濯龍絃歌聲不息環佩響相從花障蕩舟笑日映下山蓬

同前

沈佺期

九門開路邑雙闕對河橋白日青春道軒裳半夏朝乘羊稚子看捨翠美人嬌行樂歸恒晚香塵撲地遙

同前

白玉誰家郎迴車度天津看花東陌上驚動洛陽人

同前

馮著

洛陽宮中花柳春洛陽道上無人行皮裘毡帳不相識萬戶千門門春色春色深君王一去何時尋春色深春雨洒周南一望堪淚下蓬萊殿中寢胡人鵝鵲樓前放胡馬聞

君欲入西秦

一作秦西

行君行不用過天津天津橋上多胡塵

洛陽道上愁殺人

同前

任翻

幢幢洛陽道塵下生春草行者豈無家無人在家老鷄鳴前結束爭去恐不早百年路傍盡白日車中曉求富江海狹取貴山岳小二端立在途奔走無由了

同前

王真白

喧喧洛陽路奔走爭先步唯恐着鞭遲誰能更迴顧覆車雖在前潤屋何曾懼賢哉只二疏東門掛冠去

同前

于武陵

浮世若浮雲千迴故復新旋添青草塚更有白頭人歲暮

客將老雪晴山欲春行行車與馬不盡洛陽塵

文苑英華卷第一百九十二

夜靜又竟一卷按正七十字 十六日沃叔志

文苑英華卷第一百九十三

樂府二

神仙篇三首

昇仙篇一首

昇天行三首

步虛詞十首

飛龍引三首

鳳簫曲一首

鳳笙曲一首

陽春歌六首

金一作會樂歌三首

白紵歌十八首

美女篇四首

日出東南隅四首

日出行三首

月重輪一首

泛舟行大江二首

雨雪曲六首

神仙篇

張正見集

億舜日萬堯年詠湛露歌採蓮願雜百和氣宛轉金爐前

同前

盧思道

浮生厭危役一作促名岳共招携雲軒遊紫府風駟立一作上

丹梯時見遼東鶴屢聽和一作淮南鷄王英持作寶瓊寶採

成蹊飛策揚輕電懸旌耀彩蜺瑞銀光似燭靈石髓如泥

寥廓鸞山右超遙樂府一作越鳳州西一作超遙鳳渚西一作西四一作西九應五色特

此救行迷

此詩二百三十五卷道門重出今已削去注異同為

一作

同前

魯杞樂府一作杞

王遠尋仙至欒巴訪術迴乘空向紫府控鶴下蓬萊霜分

白鹿駕日映流霞杯煎金丹未熟醒一作醒酒藥初開乍應

觀海變誰肯畏年頽

昇仙篇

梁簡文帝

少室堪求道明光可學仙丹縉碧琳宇綠王黃金篇雲車

了無轍風馬詎須鞭靈桃恒可餌幾迴三千年

昇天行三首

劉孝威類聚作曹植

乘橋一作躡追術士遠之蓬萊山靈液飛素波蘭柱上參天

文一作玄豹遊其下翔鸞一作鷗戲其巔乘風忽登舉彷彿一作

惶一作防見衆仙

二

扶桑之所生乃在朝陽谿中心陵蒼皓一作昊布葉蓋天涯

日出登東幹既夕沒西枝願得紆陽轡迴日使東馳

同前

盧思道

尋師得道訣輕舉厭人群玉山候王母珠庭謁老君煎為

返魂藥刺作長生文飛策乘流電彫軒曳彩一作紫雲玄

洲望不極赤野眺無垠金樓旦蹇嵯王樹曉氛氲擁琴遙

可聽一作望吹笙遠詎聞不學一作覺蟬蛸子干侶一作迢何

紛紛

道士步虛詞五首

庾信

渾成空教立元始正品一作塗開赤王靈文下朱陵真氣來

中天九龍館倒景八風臺雲度弦歌響星移宮殿迴青衣

上少室童子向蓬萊逍遙聞四會倏忽度三災

二

東明九芝蓋北燭一作屬五雲車飄颻入倒影出沒上煙霞

春泉下玉雷青鳥向金華漢帝看桃核齊侯問棗花上元

應送酒來向一作在蔡經家

三

歸心遊太極迴向入無名五香芬紫府千燈照赤城鳳林

採珠實一作龍春一作入山種玉榮夏笛三山響一作夏簧春鍾九

乳鳴絳河應遠別黃鸝來相迎

四

凝真天地表絕相一作想寂寥前有象猶虛豁忘形本自然

開經壬子世一作歲值道甲申年迴雲隨舞曲流水逐歌弦

集作珠寶

文苑英華卷一百一十五

三

余海

石髓香如飯芝房脆以蓮停鸞譙瑤水歸路上鳴天

洞靈尊上德虞石會明真要妙思玄絕一作虛無養谷神

丹丘乘翠鳳玄圃馭班麟一作移梨付苑吏種杏乞山人

自此逢何世從今復幾春海無三尺水山成數寸塵

同前 釋皎然

予因覽真訣遂感西城一作君玉笙下青冥人間未嘗聞日

華鍊精一作鬼精一作鬼一作無垢氛謂我有仙骨且令餌氤

氲俯仰媿靈顏願隨鸞鶴群俄然動風馭縹緲歸青雲

同前太清宮作 顧况

迥步遊三洞清心禮七真飛符超羽翼一作火醮星辰

殘藥沾鷄犬空一作香出鳳麟壺中無窄處願得一容身

同前二首 陳羽

漢武清齋讀昇書一作官扶上畫雲車壇上月明宮殿

閉仰看星斗禮空虛

二

樓殿層層阿母家崑崙山頂駐紅霞笙歌出見穆天子相

引笑看琪樹花

同前 蘇郁

十二樓藏玉牒中鳳凰雙宿碧梧桐流霞淺酌留君醉今

夜吹簫第幾重

飛龍引二首 李白

飛龍引二首

李白

黃帝鑄昇於荆山鍊丹砂成黃金六字集作丹砂成黃金騎

龍飛去太清一作上家雲愁海思令人嗟宮中綵女頰如花

飄然揮手凌紫霞從風縱體登鸞車一作從登鸞車侍軒轅

疊句邀遊青天中其樂不可言

二 前人

昇湖流水清且閑軒轅去時有弓劍古人傳道留其間後

宮嬋娟多朱一作花頰乘鸞飛煙亦不還騎龍攀天造天關

造天關聞天語長一作逝雲河車載玉女過紫皇紫皇乃賜

白兔所擣之藥方後天而老凋三光下視瑤池見王母蛾

眉蕭颯成一作如秋霜

同前 陳陶

有熊之君好神仙食霞鍊石三千年一旦黃龍下九天騎

龍枿枿昇紫煙萬姓攀髯髯墮地啼呼弓劍飄寒水紫鸞

八九墮玉笙金鏡空留照魑魅羽幢離徒銀漢秋六宮望

斷芙蓉愁應龍下揮中園笑泓泓水遶青苔洲瑞風颯還

天光淺瑤闕峩峩橫露苑沆瀣樓頭紫鳳歌三株樹下青

牛飯鴻隴九闕相玉皇鈞天樂引金華郎散花童子鶴衣

短投壺姹女蛾眉長彤庭侍宴瑤池席老兔春高桂宮白

蓬萊下國賜分珪阿母金桃容小摘仙流萬緘蟲篆春三

十六洞交風雲千年小兆一蟬蛻丹臺職亞扶桑君金鳥

試浴青門水下界蟬蛻幾迴死

鳳簫曲雜言

沈佺期

八月涼風下高閣千金麗人卷綃幕已憐池上歇芳菲不
念君恩坐搖落世上榮華如轉蓬朝隨阡陌暮雲中飛鷺
侍寢昭陽殿班姬飲恨長信宮長信宮昭陽殿春來歌舞
妾自知秋至容華君不見昔時羸女厭世氛學鳳吹簫乘
綵雲含情轉盼向蕭史千載紅顏持贈君

鳳笙曲

前人

憶昔王子晉鳳笙遊雲空揮手弄白日安能戀青宮豈無
嬋娟子結念羅幃一作帳中憐壽不貴色身世兩無窮

陽春歌

柳顧言

春鳥一轉有千聲春花一叢千種名旅人無語出簷楹思
鄉懷土志難平唯當文共酒暫與興相迎

同前

顧野王

春草正芳菲一作樓啓曙扉銀鞍俠客至柘彈宛一作童歸
池前竹葉滿井上桃花飛薊門寒水歇為斷流黃機

同前

吳邁遠

百里望咸陽知是帝京城一作國綠樹搖雲光春城起風色
佳人愛華景流靡園塘側妍姿艷月映羅衣飄蟬翼宋玉
歌陽春巴人長嘆息雅鄭不同賞那令君愴惻生重愛一作
受惠輕私自憐何極

同前

吳象之

簾低曉露濕簾卷鶯聲急欲起抱筇篻如疑彩絃澁孤眼
愁不轉點淚聲相及淨掃街上花風來更吹入

同前

檀約

青春獻初歲白日映雕梁蘭萌猶自短柳葉未能長已見
紅花發復聞綠草香乘此試遊行誰知心獨傷

同前

李白

長安白日照春空綠楊結煙垂裏風披香殿前花始紅流
芳發色繡戶中繡戶中相經過飛燕皇后輕身舞紫宮夫
人絕代歌聖君三萬六千日歲歲年年柰樂何

金會一作樂歌

梁元帝

鳴鳥怨別偶曙鳥憶離一作家石門一作題書字金燈飄

落花東風一作曉星沒西山晚日斜縠衫迴廣袖團扇掩

輕紗暫借青驄馬來送黃牛車

同前

房篆

前漢流壁水後渚映青天登臺臨寶鏡開牕對綺錢玉顏
耀光彩羅袖拂金鈿春風散輕蝶明月映新蓮摘花兢特
侶催栢及芳年

同前

梁簡文帝

槐花欲覆井楊柳正藏鴉山鑪好一作無比玉構火牒賒

牒頭辟繩結鏡上領巾斜鐵鑊一作種梁子銅樞生秦一作

棗花開門枕水柱一作拋城控一作特言家

白紵歌

梁武帝

朱絲玉筍羅象筵飛管促節舞少年短歌流目未肯前含
笑一轉私自一作知憐

朱光灼爍照佳人含情遠一作意遙相親媽然一婉一作轉
亂心神非子之故欲誰因

此篇文苑英華接武帝前篇共是一首今郭茂倩樂府拆而為二其題作沈約夏白紵歌却別有武帝一首如後

纖腰嫋嫋不任衣嬌怨獨立特為誰赴曲君前未忍歸上聲急調中心飛

同前五首

張樂

秋風鳴一作蕭條露垂葉空閨光盡生一作坐愁妾獨向長夜

淚承睫山高水深一作照非路難涉望君光景何時接

二

遙夜風遠時既寒秋風蕭瑟白露團佳期不待歲月蘭念此遲暮獨無歡鳴絃流管增長嘆

三

歌兒流唱聲欲清舞女趨節體自輕歌舞並妙會人情調一作依絃度曲惟一作婉盈盈揚一作蛾眉為態誰自成一作自誠

四

遙夜忘寐起長嘆但望雲中雙飛翰明月入牖風吹幔中夜悠悠坐申旦誰能知我中心亂終然有懷歲方晏

五

日暮塞門望所思風吹庭樹月入帷涼陰既滿草虫悲誰

能離別長夜時流嘆不寐一作寢淚如絲與君之別終何如

同前四時

隋煬帝

東宮春

洛陽城邊朝日暉天淵池前春燕歸含露桃花開未飛臨
風楊柳自依依小苑花紅洛水綠清歌婉轉繁弦促長袖
透迤動珠玉千年萬歲陽春曲

江都夏

梅黃雨細麥秋輕楓樹簫簫江水平飛樓綺觀軒若驚花
簾羅幙當夏清菱潭落日雙鳧舫綠水紅粧兩搖漾還似
浮桑碧海上詎一作誰肯空歌採蓮唱

和同前

郭茂倩樂府作江都夏

盧茂

長洲茂苑朝夕池映日含風結細漪坐堂一作當伏檻紅

披一作枝雕軒洞戶青蘋吹輕幌芳煙鬱金馥綺簷花簾桃

李枝蘭茗翡翠但一作恒相逐桂樹鴛鴦恒並宿

長安秋

郭茂倩樂府又有虞茂此篇並附于此

露寒臺前曉露清昆明池水秋色明搖環動珮出曾城鷗
絃鳳管奏新聲上林蒲桃合縹緲其泉竒樹上蒼青玉人
當歌理清曲婕妤恩情斷復續

同前三首

李白

揚清歌發皓齒北方佳人東隣子且吟白紵停綠水長袖
拂面為君起寒雲夜卷霜海空胡風吹天飄塞鴻玉顏滿
堂曲集作樂未終館娃日落歌吹濛一作深一無此句

館娃日落歌吹深一作深

月寒江濤夜沉沉美人一笑千黃金垂羅舞榭揚哀音郢

中白雪且莫吟子夜吳歌動君心動君心冀君疑賞願作

天地雙鴛鴦一朝飛去青一作綠雲上

三

吳刀剪綺集作絲縫舞衣明粧麗服奪春暉揚目集作眉轉袖

若雲飛傾城獨立世所稀激楚結風舞名醉忘歸高堂月落

燭已微玉釵掛纓君莫違

同前二首

楊銜

玉纓翠佩雜輕羅香汗微漬朱顏醜為君起唱白紵歌清

聲鳥雲繫思一作思多疑笳哀瑟一作琴時相和金壺半傾

夜促梁塵霏霏暗紅燭令君安坐聽終曲墜葉飄花難再

復

二

躡珠履步瓊筵輕身起舞紅燭前芳姿艷態妖且妍迴眸

轉袖暗催絃涼風蕭蕭漏水一作流急月華泛灩紅蓮濕牽

裙攬帶翻成泣

同前

陳標

吳女秋機織曙霜冰蠶吐絲線月盈筐金刀玉指裁縫促水

殿花樓弦管長舞袖慢移凝瑞雪歌塵微動避雕梁唯愁

一作陌上芳菲度狼籍鳳池荷葉黃

美女篇

蕭子顯

章冊一作暫暫輟舞巴姬請罷絃佳人淇浦出一作上豔趙復
傾燕繁穠既為李照水亦成蓮朝酤成都酒暝數河間錢
餘光幸未借一作借蘭膏空自煎

同前

梁簡文帝

佳麗盡關情風流最有名約黃能效月裁金巧作星粉光
勝玉靚衫薄擬蟬輕密態隨流臉餘嬌逐語聲一作嬌歌
朱顏半已醉微笑隱香屏

同前

盧思道

京洛多妖艷餘春愛物華俱臨梁燈一作水鄧渠水共
採鄴園花時搖五明扇聊駐七香車情疏看笑淺嬌深
欲斜微津染長黛新溜濕輕紗莫言人未解隨君獨問家

同前

王琚

東隣美女實名倡絕代容華無比方濃纖得中非短長紅
素天生誰飾粧桂樓椒閣木蘭堂繡戶雕軒文杏梁屈曲
屏風繞象床菱蕤翠帳綴香囊玉臺龍鏡洞徹光金爐沉
煙酷烈芳遙聞行珮音鏘鏘含嬌含笑出洞房二八三五
閨心切褰簾卷幔迎春節清歌始發詞怨咽鳴琴一弄心
斷絕借問哀怨何所為盛年情多心自悲須臾破顏倏歛
態一悲一喜併相宜何能見此不注心惜無媒氏為傳音
可憐盈盈直千金誰家君子為藁砧

日出東南隅行

織羅紈織集

沈約

朝日出邙鄴照我叢臺端中有傾城豔顧影織羅紈延軀

似織約遺視若迴瀾瑤莊映層綺金服炫雕樂幸有周一作
同匡好西仕服秦官寶劍隨王具汗馬飾金鞍紫場類轉
雪逸控寫一作騰鸞羅襟衣夕解帶玉釵暮垂冠

同前

蕭子榮樂府類聚並作子顯

大明上迢迢陽城射陵霄光照牕中婦絕世同阿嬌明鏡
盤龍刻簪羽鳳凰雕透迤梁家髻冉弱楚宮腰輕紈雜重
錦薄縠間飛綃三六前年暮四五今年朝蠶園拾芳蠶一作

蠶籠拾芳翠桑陌採桑一作柔條出入東城裏上下洛西橋路逢

車馬客飛蓋動襜輶單衣鼠毛織寶劍羊頭銷大夫疲應

對御一作從者輟連鑣一作御鑣住間徒脉脉垣上幾翹翹女本

西家宿君自上宮要漢馬三千一作萬疋夫婿仕嫖姚擊囊

虎頭綬左珥鳧盧貂橫吹龍鍾管奏鼓象牙簫十五張內

侍十八賈登朝皆笑顏郎老盡訝董公超

同前

盧思道

初月正如鈎懸光入鏡一作綺樓樓中可憐妾如恨亦如羞

深情出豔語密意滿橫眸楚腰寧且細孫眉本未愁青玉

勿當取雙銀詎肯一作可留會待東方騎遙居最上頭

同前

李白集無此詩樂府作殷謀

秦樓出佳麗正值朝日光陌頭能駐馬花處復添香

日出行

蕭摛

昏昏隱遠霧團團乘陣雲正值秦樓女含嬌酬使君

同前

李白

日出東方隈似從地底來歷天又復入西海六龍所舍安
在哉其行終古不休息一作始與人非元氣安得與之久
辨徊草不謝榮於春風木不怨落於秋天誰將集作鞭策
驅四運萬物興歇皆自然羲和汝奚汨沒於荒淫之
波魯陽何德駐景揮戈逆道違天矯誣實多吾將括囊集作
囊括大塊浩然與溟滓同科

同前

李賀

白日下崑崙發光如舒絲徒照葵藿心不見遊者集作悲

浙浙集作折折黃河曲日從中央轉暘谷耳曾聞弱集作若水眼

不一作不可見奈何爍石胡為銷人弄能彎弓屬矢那不中足

令鳥不得翔火不得奔詎教晨光夕昏

月重輪

戴嵩

一作輪重

皇基屬明兩副德表重輪輪重非是暈桂蒲自恒春海珠

全更滅一作滅階堦翳且新婕妤比團扇曹王譬洛神浮川

疑讓壁入戶類燒銀從來看顧兔不曾聞鬪麟北堂豈盈

手西園徧照人

泛舟橫大江

梁簡文帝

滄波白日暉遊子出王畿旁望重山轉前觀遠帆稀廣水

浮雲吹江風引夜衣旅鴈同洲宿寒鳧夾浦飛行客誰多

興當念早旋歸

同前

張正見

大江脩且濶楊舲度迴磯渡中盡鷁涌帆上錦花飛舟移

停集作浦月棹舉濕春衣王孫若定一作客若遠誰得作
詎送將歸

雨雪曲

王筠樂府作江暉

邊城風雪至客遊一作子自心悲風哀笳弄斷雪暗馬行遲
輕生本為國重氣不關私恐君猶不信撫劍一揚眉

同前

胡關集作邊城

張正見

胡關辛苦地雪露遠漫漫含冰踏馬足雜雨凍旗竿沙漠
飛恒暗天山積轉寒無因辭日逐團扇掩齊紈

同前

江總

雨雪阻榆溪從君度隴西遠陣看狐跡依山見馬蹄天寒
旗彩壞地暗鼓聲低漫漫愁雲起蒼蒼別路迷

同前

陳暄

都尉出祁連雨雪滿鷄田雕陵持抵鵠屬國用和氈水合
軍應度樓寒烽未燭一作花迷槎未着踈勒復經年

同前

謝燮

朔邊昔離別寒風復悽切我我六尺水飄飄千里雪深閉
一作塞袁安戶行封蘇武節用一作隨隴水流幾迴
嗚咽一作疑

同前

盧照隣

虜騎三秋入關雲萬里平雪似胡沙暗冰如漢月明高闕
銀為闕長城玉作城節旄零落盡天子不知名

此卷校正一百五十三字 四月十七日

文苑英華卷第一百九十三

文苑英華卷第一百九十四

詩四十四

樂府三

公子行九首

少年行四十二首

輕薄篇五首

公子行

劉希夷

天津橋下陽春水天津橋上繁華子馬聲迴合青雲外人

影搖空綠楊裏一作搖揚碧波蕩漾玉為沙一作綠波清

青雲離披錦作霞可憐楊柳傷心樹可憐桃李斷腸花此

日遨遊看美女此時歌舞入倡家倡家美女鬱金香飛去

飛來公子傍灼灼一作珠簾白日映娥娥玉貌一作紅粉

粧花際徘徊雙蛺蝶池邊顧步兩鴛鴦傾國傾城漢武帝

爲雲爲雨楚襄王古來容光人所羨况復今日遙相見願
作輕羅着細腰願爲明鏡分嬌面與君相向轉相親與君
相栖共壹身願言一作真松千歲古誰論芳槿一朝新百
年同謝西山日千秋萬古北邙塵一有此二句

同前

常建

日日乘釣舟孀孀持釣竿涉淇傍荷花驄馬閑金鞍使客
白雲中腰間懸轆轤出門事嫖姚爲君西擊胡胡兵漢騎
相馳逐野戰孤軍西海曲百尺旌竿沉黑雲邊笳落日不
堪聞

同前

司空曙

纏臂繡綸巾貂裘窄稱身射禽風助箭驟馬雪飛塵金埒
爭開道香車爲駐輪翩翩不知處應是霍家親

同前

于鵠

少年初拜大長一作大常秋半醉垂鞭見列侯馬上抱鷄三市
鬪袖中携劍五陵遊玉簫金管迎歸院錦繡一作紅粧擁
上樓更向苑東新買宅月陂一作碧波春水入門流

同前

李商隱

一盞新羅酒凌霜一作晨恐易銷歸應衝鼓半去不待笙調
歌好難愁和香多不一作濃豈惜飄春塲鋪艾帳下馬雉媒嬌

同前

雍陶

公子風流嫌一作輕錦繡新裁白紵作春衣金鞭留當誰家
酒拂柳穿花信馬歸

同前

韓琮

紫袖長衫色銀蟬一作蟾半臂花帶裝集作長盤水玉鞍繡坐

雲霞別殿承恩澤飛龍賜渥洼控羅青裊轡象碧重葩

意氣催歌舞闌珊走鋼車袖障一作彰雲縹緲叙轉鳳歌斜

珠卷迎歸箔紅籠是醉紗唯無難夜日不得似仙家

同前二首

聶夷中

漢代多豪族恩深益驕逸走馬踏殺人街吏不敢詰紅樓

宴青春數里望雲蔚金缸焰一作艷勝晝不畏落暉疾美人

盡如月南威莫能一作不敢疋芙蓉自天來不向水中出飛瓊

奏一作綺雲和碧簫吹鳳質唯恨魯陽死無人駐白日

二

花樹出墻頭花裏誰家樓一行書不讀身封萬戶侯美人

樓上歌不見古涼州

少年行

吳筠

董生能巧笑子都信美目百事一作萬市一言千金買相逐

不眷一作道參差菜誰能一作論窈窕淑願言奉一作捧繡被來就越

人宿

同前一作長安少年行

沈炯

長安妙少年一作好驄馬鐵連錢陳王裝馬腦晉后鑄金鞭步搖

如飛鸞寶劍一作鐔似舒蓮去來新市北遨遊大道邊一作道倏忽

作老翁顏鬢似衰蓬自言生漢代少小見豪雄五侯俱拜

日一作拜爵七貴各論功建章連北闕一作通復道應一作

一作 腦作 側作 一作

度一作杖南宮太后居長樂天子出迴中玉輦迎飛鷲金山賞鄧
通一朝復一日忽見市朝空扶桑無復海崑山倒向東少
年何暇問頽齡遇一作值福終子孫冥滅盡鄉里一作問不復
同淚盡眼方暗脾傷耳自聾杖策尋遺老歌笑一作嘯詠悲
翁追隨各有遇非敢訪童蒙

同前

李百藥

少年飛翠蓋上路勒金鑣始酌文君酒新吹弄玉簫少年
不一作子歡樂何以一作無此盡芳朝千金笑裏面一搦撐一作
抱中腰掛纓誰一作冠豈憚宿落珥一作拜迎不勝嬌寄語一作無此
少年子無辭歸路遙

同前

張昌榮

少年不識事落魄遊韓魏珠軒流水車玉勒浮雲騎縱橫
意不一然諾心無二白璧贈穰畦黃金奉毛遂妙舞飄龍
管清歌吟鳳吹三春小苑遊千日中山醉直言身可沉誰
論名與利依倚孟嘗君自知能市義

同前

鄭愔

穎川豪橫客咸陽輕薄兒田竇方貴幸趙李新相知軒蓋
終朝集笙等此夜吹黃金盈篋筍白日忽西馳

同前四首

王維

新豐美酒斗十千咸陽遊俠多少年相逢意氣為君飲繫
馬高樓垂柳邊

二

出身仕漢羽林郎初隨驃騎戰漁陽孰知不向邊廷苦一作
死縱死猶聞俠骨香

三

一身能擘一作兩彫與調弧虜騎千重一作群一作祗似無偏坐

金鞍調白羽紛紛射殺五單于

四

漢家君臣歡宴終高議雲臺論戰功天子臨軒賜侯印將
軍佩出明光宮

同前三首

杜甫

馬上誰家白面郎臨軒一作下馬坐人床不通姓字龕豪

甚指點銀瓶索酒嘗

二

莫笑田家老瓦盆自從盛酒長兒孫傾銀注玉集作驚人
眼共醉終同卧竹根

杜集作臨街下馬此云臨軒下馬杜集作傾銀注瓦

此云傾銀注玉皆當以此書為正蓋謬為俗子改易

此所以重古本也

三

巢鷺養兒渾去盡江花結子也無多黃衫年少來宜數不
見堂前東逝波

同前三首

李白

君不見淮南少年遊俠客白日毬獵夜擁擲呼盧百萬終

不惜報讐千里如咫尺少年遊俠好經過
渾身裝束皆綺羅蘭蕙相隨喧妓女風光去處蒲笙歌
驕矜自言不可有俠士堂中養來久好鞍好馬乞與人
十千五千旋沽酒赤心用盡爲知己黃金不惜栽桃李
桃李栽來幾度春一迴花落一迴新府縣盡爲門下客
王侯皆是平交人男兒百年且樂命何須徇一作書
受貧病男兒百年且榮身何須徇節甘風塵衣冠半是戰
征士一作征戰窮儒浪作林泉民遮莫枝根長百丈不如當代多還往
遮莫親姻連帝城不如當身自簪纓看取富貴眼前者何用悠悠身後名

二

青雲少年子挾彈章臺左鞍馬四邊開突如流星過金丸
落飛鳥一作肉夜入一作深瓊樓卧夷齊是何人獨守西山餓

三

五陵年少金市東銀鞍白馬度春風落花踏盡遊何處笑
入胡姬酒肆中

同前

一作渭城少年行

崔顥

洛陽二月梨花飛秦地行人春憶歸揚鞭走馬城南陌朝
逢驛使秦川客驛使前日發章臺傳道長安春早來棠梨
宮中驚初至葡桃館裏花正開念此使人歸更早三月使
達長安道長安道上春可憐搖風蕩日曲江邊萬戶樓臺
臨渭水五陵花柳滿秦川秦川寒食盛繁華遊子春來不
見一作喜家關鷄下社春初合走馬章臺日半斜章臺帝城

稱貴里青樓日晚歌鍾起貴里豪家白馬嬌一作驕五陵年
少不相饒雙雙挾彈來金市兩兩鳴鞭上渭橋渭城橋頭
酒新熟金鞍白馬誰家宿可憐錦瑟箏琵琶玉壺清酒就
君家小婦春來不解羞嬌歌一曲楊柳花

同前 此詩見二
百五卷

崔國輔

同前二首

王昌齡

西陵俠少年送客過長亭青槐夾兩路白馬如流星聞道

羽書急單于寇井陘氣輕浮道一作難誰願一作

顧燕山銘

二

走馬還相尋西樓下夕陰結交期一劍留意贈千金高閣

歌聲遠重門一作關柳色深夜闌須盡醉莫負百年心

同前 一作邯鄲
少年行

高適

邯鄲城南一作西遊俠子自言一作矜生長邯鄲裏千場縱博

家仍富幾度一作處報讐身不死宅中歌舞日紛紛門外車

馬常集作轟
又作長如雲三字一作
如雲也未知肝膽向誰是令人却憶

平原君不見即今集作
今人交態薄黃金用盡還踈索以茲感

嘆一作
教辭舊遊更於時事無所求且與少年飲美酒往來

射獵西山頭

同前

吳象之

承恩借獵小平津使氣常遊中貴人一擲千金渾是膽家
無四壁不知貧

一作笑

同前四首

李嶷

十八羽林郎戎衣侍漢

一作漢事

王臂鷹金殿側挾彈玉輦

輿旁馳道春風起陪遊出建章

二

侍獵長楊下承恩更射飛塵生馬影滅箭落鴈行稀薄暮

隨天

一作歸隨

仗聯翩入鏤闌

三

玉劍膝邊橫金盃馬上傾朝遊茂陵道夜

一作暮

宿鳳凰城

豪吏多猜忌無勞問姓名

同前

韓翃

千點爛燭噴玉驄青絲結尾繡纏驥

集作鬃

鳴鞭曉出章臺

路禁葉春衣楊柳風

同前

一作長安少年行

釋皎然

翠樓春酒蝦蟆陵長安少年皆共矜紛紛半醉綠槐道蹀

蹀花驄驕不勝

同前二首

李益

君不見上宮警夜營八屯夔夔街鼓朝朱軒玉堦霜仗擁

未合少年排入銅龍門暗聞絃管九天上宮漏沉沉清吹

繁平

一作纜

明走馬絕馳道呼鷹挾彈通繚垣玉籠金鎖養

黃口探雛取邠伴王孫分曹六博快一擲迎歡先意笑聲

喧巧為柔媚學優孟儒衣嬉戲冠沐猿晚來香街經柳市

行過倡舍宿桃根相逢酒後

一作盃酒

一言失迴朱點白聞至

尊金張許史何顏色王侯將相莫敢論豈知人事無定勢
朝歡暮戚如掌翻椒房寵移子愛奪一夕秋風生戾園徒
用黃金將買賦寧知白玉暗成痕持盃收水水已覆徒薪
避火火更燔欲求四老張丞相南山如天不可上

二

生長邊城傍出身事弓馬少年有膽氣獨獵陰山下偶與
匈奴逢曾擒射鵰者名懸壯士籍請君少相假

同前

張籍

少年從獵去

集作獵出又作出獵

長楊禁中新拜羽林郎獨對輦前

射雙虎君王手賜黃金璫白日鬪鷄傍新市

一作日日鬪鷄都市裏

贏得寶刀重刻字百里報讐夜出城平明還抵

一作在倡樓

醉遙聞虜到平陵下不待勅

一作詔

書行上馬斬得戎

一作名

王獻桂宮封侯起宅

一作第

一日中不為北

一作六

郡良家子

百戰乃得

一作始取邊城功

同前五首

一作少年行長安

李廓

金紫少年郎繞街鞍馬光身從左中尉官屬右春坊刻戴
楊州帽重薰異國香垂鞭踏青草來去杏園芳

二

追逐輕薄伴閑遊不着緋長權出獵馬數換打毬衣曉日
尋花去春風帶酒歸青樓無晝夜歌舞歇時稀

三

新年高殿上始見有光輝玉鴈排方帶金鵝立伏衣酒深

和梳賜馬疾打珂飛朝下人爭看香街意氣歸

四

戟門連日閉苦飲惜殘春開鎖通新客教姬屈醉人請歌
牽白馬自舞蹈紅茵時輩皆相許平生不負身

五

遨遊携豔妓裝束是男兒杯酒逢花住笙歌簇馬吹鶯聲
催曲急春色訝歸遲不似聞街鼓華筵待月移

同前

杜牧

官爲駿馬監職帥羽林兒兩綬藏不見落花何處期獵鼓
白玉銙怒袖紫金鉞田竇長留醉蘇辛曲讓一作護岐豪持
出塞節笑別遠山眉捷報雲臺賀公卿拜壽卮

同前

雍陶

不倚軍功有俠名可憐毬獵少年情戴鈴健鶻隨聲下撼
珮驕驄弄影行覓匠重裝燕客劍對人新按越姬筆豈知
儒者心偏苦吟向秋風白髮生

同前二首

僧貫休

錦衣鮮華一作潔手擎鶻閑行氣貌多輕忽稼穡艱難總不
知三皇五帝是何物

二

自拳五色毬送入他人宅却促蒼頭奴玉鞭打一百

同前二首

王貞白

遊燕不知厭杜陵狂少年花時輕暖酒春服薄裝綿戲馬

上林苑鬪鷄寒食天魯儒其被笑對策鬢皤然

二

弱冠投邊急驅兵夜渡河追奔鐵馬走殺虜寶刀靴威靜

黑山路氣含一作吞清海波常聞為突騎天子賜長戈

輕薄篇

何遜

城東美少年重身輕萬億拓彈隨珠丸白馬黃金飾長安

九達上青槐陰一作陰道植轂擊晨已喧肩栳冥不息走狗

通四一作息望牽牛亘一作向南直相期百戲傍去來三市側

象床香繡被玉盤傳綺食倡女掩扇歌小婦開簾織相看

獨隱笑見人還斂色黃鶴悲故羣山妓詠新識鳥飛過客

盡雀聚行龍匿酌酒方厭厭此時歡無極

同前

張正見

洛陽美少年朝日正開霞細踏聯鑣一作連錢馬傍趨首着花

揚鞭却還望春色蒲東家井桃映水落門柳雜風斜綿蠻

弄青綺蛺蝶遶承華欲往飛簾館遥駐季倫車石槓傳馬

腦蘭肴莫象牙聊持自一作自持娛樂未是鬪豪奢莫嫌龍馭

曉一作晚扶桑復浴鴉

同前

李益

豪不必馳千騎雄不在垂雙鞭一作鞭天生雋氣自相逐出

與鷓鴣同飛翻朝行九衢不得意下鞭走馬城西原忽聞

燕鴈一聲去廻鞍挾彈平陵園歸來青樓曲未半美人玉

色當金樽淮陰少年不相下酒酣半笑倚市門安知我有

不平色白日欲顧一作集願紅塵昏死生容易如反掌得意失
意由一言少年但飲莫相問此中報讐兼一作亦報恩

同前二首

釋貫休

繡林錦野春態相壓誰家少年馬蹄蹋蹋聞鷄走狗夜不
歸一擲賭却如花妾唯言不顛不狂其名不彰悲夫

二

木落蕭蕭蛩鳴唧唧不覺朱鷲臉紅霜劫髮滌世途多事
泣向秋日方今一作吟少壯不努力老大徒傷悲如何

此卷按四七十一字

四月十七夜藏園記



文苑英華卷第一百九十四

文苑英華卷第一百九十五

詩四十四

樂府四

結客少年場八首

行行且遊獵二首

門有車馬客四首

對酒二十一首

前有一樽酒三首

將進酒三首

勸酒六首

飲酒樂一首

結客少年場行

劉孝威

少年本六郡遨遊遍五都插腰銅七首障日錦屠蘇鷲一作

鷲羽裝銀鏑犀膠飾象弧近發連雙兔高彎落九鳥邊城

多警急節使一作度浦郊衢居延箭箠盡踈勒井泉枯正蒙

都護接何由憚險途千金募惡少一麾擒骨都勇餘聊踞

文苑英華卷一百九十五

蹴戰罷暫一作投壺昔為北方一作將今成一作南面狐

邦君行負弩縣令且前驅

同前

梁吳均

結客少年歸翩翩駿馬肥報恩殺胡一作人竟賢君賜錦衣

握蘭登建禮拖玉入含暉顧看草玄者功名終自微

同前

庾信

結客少年場春風路滿香歌撩一作李都尉果擲潘河陽

隔一作花遙勸酒就水更一作移床今年喜夫婿新拜羽

林郎定知劉碧玉偷嫁汝南王

同前

孔紹安

結客佩吳鉤橫行度隴頭鴈在弓前落雲從陣後浮吳師

驚燧象燕一作將警奔牛轉蓬飛不息米河結未流若使

三邊定當封萬里侯

同前

虞世南

韓魏多奇節倜儻遺名利共矜然諾情一作各負縱橫意

一作結交友一作一言重相期千里至綠沉明月弦金絡浮

雲轡吹簫入吳市擊筑遊燕肆尋源博望侯結客遠相求

少年懷一顧長驅背隴頭燄燄霜戈動耿耿虹劍一作浮

風一作起龍沙暗木落鴈門秋天山冬夏雪交河南北流

輕生殉一作知已非是為身謀

同前

盧照隣

長安重遊俠雒陽富才一作雄玉劍浮雲騎金鞭一作明

張祜

月弓闖鷄過渭北走馬向關東孫賓一作趙岐事遙見侍一作
待郭解暗相通不受千金爵誰論萬里功將軍下天上虜
騎入雲中烽火夜似月兵氣曉成虹橫行狗知己負羽遠
從一作征戎龍旌昏朔霧鳥障卷胡風追奔瀚海咽戰罷陰
山空歸來謝天子何如馬上翁

同前

盧一作虞羽客

幽并俠少年金絡控連錢竊符方救趙擊筑正懷燕輕生
辭鳳闕揮袂上祁連陸離橫寶劍出沒驚一作驚徂旃蒙輪
恒顧敵超乘一作忽爭先摧枯逾百戰拓地遠三千骨都
魂已散樓蘭首復傳龍城含苦一作宿霧瀚海接一作遙
天歌吹金微返振旅玉門旋烽火今已息非復照甘泉

同前

李白

紫駟黃金瞳稜稜搖綠鬣一作鬣平明相馳逐結客洛門東
少年學劍術陵轢白猿公珠袍曳錦帶匕首插吳鴻由來
萬夫勇挾此生一作英雄風託交從劇孟買醉入新豐笑盡
一盃酒殺人都市中羞道易水寒徒一作從今日貫虹燕丹
事不立虛沒秦帝宮舞陽死灰人安可與成功

行行且遊獵篇

一作遊行且獵篇

劉孝威

之杲講射所上林娛獵場選徒嬌楚客詔狩誇胡王罕車
已戒道風鳥復啓行吹飛具矰繳材官命蹶張高且掩月
兔勁矢射天狼蹠地不遑免一作逸排虛豈及翔日暮鈞陳
轉風清鏡吹颺歸來宴平樂寧肯滯禽荒

同前

孟雲卿

少年多武力勇氣冠幽州何以縱心賞馬蹄
春草頭遲遲平原上狐兔奔林丘猛火忽前
遊俊鷹連下講俯身逐南北輕捷固難儔
所發無不中失之如我讐豈唯務馳騁
猗爾暮田疇殘殺無不痛古來良有由

門有車馬客

何遜

門有車馬客言是故鄉來故鄉有書信縱橫
印檢開開書看未極行客屢相識借問故鄉
來潺湲淚不息上言離別久下言望應歸寸
心將夜鵲相逐向南飛

同前

張正見

飛觀霞光起重門戒早一作旦開北闕高轡至
一作箱過東方遠

一作連騎來紅塵揚翠轂赭汗染龍媒梢鞭
聊靜電接眼漸

一作軫暫停雷桃花扶岸一作夾院聚流水
傍池迴非關萬里

客自是一作有六竒才琴和朝翟一作雉操
酒泛夜光杯舞袖

飄金谷歌聲繞鳳臺良時不再遇一作可
騶御鬱相催安知

太行道失路車輪摧

同前

虞世南

財雄一作陳遵重交結戚里一作田蚡擅豪華
曲臺臨上路高軒一作

門抵狹斜赭汗千金里一作馬繡軸一作
五香車白鶴隨飛

蓋朱鷺入鳴笳夏蓮開劔水春桃發綬花
高談辨飛兔摛

藻掘靈虵一作雲浮蟻泛流霞逢恩出毛羽
一作借失路委泥

沙曖曖風煙晚路長歸騎遠日斜青瑣第
塵飛金谷苑危

一作露

絃促柱奏巴渝遺簪墮珥解羅襦如何守直道翻使谷名愚

同前

李白

門有車馬賓

一作客

金鞍耀珠輪謂從雲

一作丹

霄落乃是故

鄉親呼兒掃中堂坐客論悲辛對酒兩不飲停觴淚盈巾

歎我萬里遊飄飄三十春空談霸王畧紫綬不掛身雄劍

藏玉匣陰符生素塵廓落無所合流離湘水濱借問宗黨

間多為泉下人生苦百戰役死托萬鬼隣北風揚湖沙霾

一作埋

翳周與秦

天運

且如此蒼穹能匪仁惻愴憶

一作竟

何

道存亡任天均

一作大鈎

對酒

范雲

對酒心自足故人來共持方悅羅衿解誰念髮成絲徇性良為達求名本自欺逮君當歌日及我傾樽時

同前

張正見

當歌對玉酒匡坐酌金壘竹葉三清泛葡萄百味開風移蘭氣入月逐桂香來獨有劉將阮忘情寄羽盃

同前

岑敬之

色映臨池竹香浮滯砌蘭舒文泛玉盃漾蟻溢金盤簫曲隨鸞易笳聲出塞難唯有將軍酒川上可除寒

同前

張率

對酒誠可樂此酒復芳醇如華良可賞

一作貴

似乳更堪

一作

井琤何當留上客為寄掌

一作壽屬

中人金樽清復滿玉盤

一作

盤
亟來親誰能共遲暮對酒及一作惜芳辰君歌尚未罷却
坐避梁塵

對酒歌

范榮

樂府作
庚信

春水望桃花春洲籍芳杜琴隨一作從綠珠借酒就文君取

牽牛一作馬向渭橋日曝山頭晡山簡接羅倒王戎如意舞

箏鳴金谷園笛韻平陽塢人生一百年歡笑唯三五何處

覓錢刀求為洛陽賈音古

對酒

春園作

庾信

數盃還已醉春風一作風雲不復知唯有龍吟笛桓伊能獨吹

同前

春園作

王勃

投簪下山閣携酒對河梁狹水牽長鏡高花送斷香繁鶯

歌似曲踈蝶舞成行自然催一醉非但閱年光

同前

巴陵作

張說

留侯封萬戶園令壽千金本為成王業初由賦上林繁華

一作榮安足恃霜露迺相尋鳥哭楚山外猿啼湘水陰夢中

城闕近天畔海雲深空對忘憂酌一作酒離憂不去心

同前

崔國輔

行行日將夕荒村古塚無人跡蒙籠荆棘一鳥飛屢唱提

壺沽酒喫古人不達酒不足遺恨精靈成一作傳此曲寄言

世上一作當代諸少年平生須盡杯中綠

同前

一作月下獨酌

李白

花前一作下一壺酒獨酌無相親舉杯邀明月對影成三人

月既不解飲影徒隨我身暫伴月將影行樂須及春我歌
月徘徊我舞影凌亂醒時同交歡醉後各分散未結無情
遊相期邈雲漢一作碧

此詩一百五十二卷重出今已削去注異同爲一作

一作月
夜獨酌

天若不愛酒酒星不在天地若不愛酒地應無酒一作泉

天地既愛酒愛酒不愧天已聞清比聖復道濁如賢聖賢
既已飲何必求神仙三盃通大道一斗合自然但得醉中
趣勿爲醒者傳

三 此詩見二百七十卷

對酒示申屠學士

戴叔倫

三重江水萬重山山裏青春度日閑且向白雲求一醉莫
教愁夢到鄉關

湘中對酒行

張謂

夜坐不厭湖上月晝遊不厭湖上山眼前一罇又長滿心
中萬事如等閑主人有黍數百石濁醪數斗應不惜即今
相逢不盡歡別後相思復何益茱萸灣頭歸路賒願公且
宿黃公家風光若此人不醉參差孤負東園花

對酒曲

賈至

春來酒味濃舉酒對春叢一酌千憂散三盃萬事空放歌
乘美景醉舞向春風寄語罇前客生涯任轉蓬

二

梅發柳依依黃鸝歷亂飛當歌憐景色對酒惜芳菲曲水
浮花氣流風散舞衣通宵留暮雨上客莫言歸

對酒

王建

為病比來渾斷絕因緣一作事花不免却知聞從來樂一作事

關身少坐領春風只在君

秋日對酒

武元衡

行年過始衰秋至獨先悲事往悖神魄感深滋涕洟百憂
紛在慮一醉兀無思寶琴拂塵匣清韻音作疑朱絲幽圃蕙
蘭氣煙窻松桂姿我乏濟時略仗節撫坤維山川大兵後
牢落空城池驚沙猶振野綠草生荒陂物變風雨順人懷
天地慈春耕俟一作事秋戰戎馬去封陲波瀾暗超忽微雨

亦磷緇客有自嵩穎重徵棲隱期丹訣學仙晚白雲歸谷
遲君恩不可報霜露繞南枝

對酒

白居易

莫上青雲去青雲足愛憎自賢誇智慧惠相軋關功能魚爛
緣吞餌蛾焦為撲燈不如飲美酒任性醉騰騰

同前

曹鄴

愛酒知是癖難與性相捨未必獨醒人便是不飲者晚歲
無此物何由住田野

錢塘對酒曲

陳陶

風天鴈悲西陵愁使君紅旗弄濤頭東海神魚騎未得江
天大笑閑悠悠嗟峨吳山莫誇碧河陽經年一宵白南州

彩鳳為君生古獄愁蛇待恩澤三清羽童來何遲十二玉
樓蝴蝶飛炎荒翡翠九門去遼東白鶴舞歸期一作歸鴟夷
公子休悲悄六鰲如鏡天始老罇前事去月團圓琥珀無
情憶蘇小

前有一罇酒雜言

張正見

前有一罇酒主人欲行壽今日合來坐者當令皆富且壽
欲令主人三萬歲終歲不知老為吏當高遷買市得萬倍
桑蠶當大得主人宜子孫

前有罇酒行

李白

東一作春風東一作忽非來忽相過金罇酒綠生微波落花紛紛稍
覺多美人欲醉朱顏醜青軒桃李有一作能幾何流光欺人

忽蹉跎君起舞日西一作將夕當年意氣不肯惜一作傾白髮

如絲竟一作白首何益一作垂絲嘆

二

琴奏龍門之綠桐玉壺美酒清若空催絃拂柱與君飲眼
白看杯顏色紅一作看朱成碧顏始紅胡姬貌如花當壚笑春風笑
春風舞羅衣君今不醉欲安歸

將進酒

梁昭明太子

洛陽輕薄子長安遊俠兒宜城溢渠椀中山浮羽巵

同前一作惜空酒

李白

君不見黃河之水天上來奔流到海不復迴君不見高堂
明鏡悲白髮朝如青雲一作絲暮成雪人生得意須盡歡莫

一作如

使金樽空對月天生我材必有用一作我身 千金散盡還

復來烹羊宰牛且為樂會須一飲三百盃岑夫子丹丘生

將進酒杯一作莫停與君歌一曲請君為我傾耳聽鍾鼎

玉帛豈足貴一作鍾鼓饌但願長醉不復一作醒古來賢

聖皆死盡一作聖賢惟有飲者留其名陳王昔日一作宴

平樂斗酒十千恣歡譁主人何用一作言少錢徑須沽酒

一作對君酌五花馬千金裘呼兒將出換美酒與爾同銷

萬古愁

此詩三百三十六卷重出今已削去

同前

陳陶

金樽莫倚青春健齷齪浮生如走電琴瑟盤傾從世珠黃

泥局瀉流年箭麻姑瓜秃瞳子昏東皇肉角生魚鱗靈鼈

柱骨半枯朽驪龍德悔二字愁耕人周孔著龜久淪沒黃

蒿疑誰認賢愚骨兔苑詞才去不還蘭亭水石空明月姮

一作娥美簫香雨收江濱送瑟魚龍愁靈芝九折楚蓮醉

翻風一歎染庭秋一作醪亞蠻觥奉君壽玉山三獻春紅

透銀鴨金鵝言待誰隋家嶽瀆皇家有珊瑚座上凌香雲

鳳臙龍炙猩猩脣芝蘭此日不傾倒南山白石皆賢人文

康調笑麒麟起一曲飛龍壽天地

山人勸酒

李白

蒼蒼雲松落落綺皓春風爾來為阿誰蝴蝶忽然滿芳草

秀眉霜雪顏桃李一作桃骨清髓綠一作青長美好稱是

秦時避世人勸酒相歡不知老各守麋鹿志耻隨龍虎爭
歛起安太子漢皇乃復驚顧謂戚夫人彼翁羽翼成歸來
商山下况若雲無情舉觴酌巢山洗耳何太獨一作清浩歌
望嵩嶽意氣遙相傾

相勸酒

李賀

羲和聘六轡晝夜一作不魯閑彈鳥崦嵫石扶馬蟠桃鞭

蓐收既斷翠柳青帝更一作造紅蘭堯舜至今萬萬歲數

子將為傾蓋間青錢白璧買無端丈夫快志一作方為歡

臞螭臞熊何足言會須鍾飲北海箕踞南山歌淫淫管惜

惜橫波好送一作離題金人生得意且如此何用強知元

化心相勸酒終無醉伏願陛下鴻名絲一作不歆子孫綿

如石上葛東一作洛此字無長安車駟駟中有梁冀舊宅石

崇故園

勸酒

李敬方

不向花前醉花應解笑人只憂連夜雨又過一年春日
無窮事區區有限身若非盃酒裏何以寄天真

同前

聶夷中

白日無定影清江無定波人無百年壽百年復如何堂上
陳美酒堂下列笙歌與君入醉鄉醉鄉樂天和歲歲松栢
茂日日丘陵多君看終南山萬古青峩峩

二

灞上送行客聽唱行客歌適來橋下水已作渭川波人間

榮樂少四海別離多但恐別離淚自成苦水河勸爾一杯
酒所贈無餘多

飲酒樂

前人

日月似有事一夜行一周草木猶須老人生得無愁一愁
解百結再飲破百憂白髮欺貧賤不入醉人頭我願西江
水盡向杯中流安得阮步兵同入醉鄉遊

西江集作東海

此卷校正五十二字 四月十八日

文苑英華卷第一百九十五

文苑英華卷第一百九十五